

İap 5, mynsaw palat 67 ngut na ka jingthombor ka Russia ia ka jaka iew ha ka thaiñ Dnipropetrovsk ka Ukraine



Ki kali kiba la kem ding na ka jingthombor ka Russia sha ki bynta ka Ukraine.

Kyiv, Nailur :Ki heh sorkar ka Ukraine ki la ong ba 5 ngut ki brieve ki la iap bad palat 67 ngut kiwei pat ki la mynsaw na ka jingthombor ka Russia lyngba ki drone ha kawei ka jaka iadie iathied kaba bun brieve ha Pavlohrad ka nongbah jong ka thaiñ Dnipropetrovsk ka Ukraine.

Ki dukan bad ki kali ki la shah pynjulor ha katei ka jingshah thombor kaba la jia ha ka por mynsngi katba ki lynti surok ki dang shlei da ki nongleit nongwan", ong u

Myntri kam pohiing u Ivan Vyhivskyi.

Artylli kiwei pat ki shapping mall ha ki nongbah Zaporizhzhia bad Sumy ki la shah thombor ha ki liengsuiñ ka Russia ha kaba sdang jong kane ka taiew, ong ki lad pathai khubor ka Ukraine.

Katba ka Russia ka iathuh ba ka jingthombor jong ka Ukraine lyngba ki drone duriaw ha ka nongbah Sochi ha ka sngi Balang ba la lah ka la pynmysaw ia 28 ngut ki brieve, kumjuh lai ngut kiba

iap na ki jingthombor jong ka Ukraine.

Ka jingpyrshang pyniasuk kaba thymmai da ki nongmihkhmat ba la phah da u President ka Donald Trump ka US ha ka taiew ba kut ka paw ba kam shym la ai tang khyndiat ki jingmih kiba thikna, hadien ka jingiakren ha Moscow bad u Putin bad ha Kyiv bad u President ka Ukraine u Volodymyr Zelensky.

U Zelensky u la pynpaw ka jingsngewlem sha kiba

haiing hasem bad kiba ieid ba thoiñ jong kito kiba la iap ha katei ka jingshah thombor ha ka sngi Palei ba la lah.

“Ki nong Russia ki la pynndonkam da ki drone ban pyniap ia ki brieve lui lui kiba shu iengkai hajan ki jaka die jingdie”, ong u president ka Ukraine ha u kyrwoh.

U Myntri kam bar ri ka Ukraine, u Andrii Sybiha u ong ba katei ka jingthombor lyngba ki drone ka dei ka buit ban pynbor. “Ka Russia ka ngeit ba ki jingthombor kiba khlem sangeh ia ki riew paidbah ki lah ban pynlong ia ki nong Ukraine ba kin ngiah bad ka ban pynbor ia ka Ukraine ba kam pynдем ialade,” u la ong.

Ki heh sorkar ka Ukraine ki ong ba ka jingthombor ka Russia lyngba ki drone ha kawei ka jaka die jingdie ha Sumy ha ka sngi Balang ba la lah ka la pyniap ia arngut ki brieve bad mynsaw sa 20 ngut kiwei pat.Ha ka sngi Palei ba la lah la iathuh ba ka jingther bom kaba na suin da ki shipai Russia, ha ka pynmysaw ia 8 ngut ki brieve ha Sumy kynthup ia lai ngut ki khynnah rit.

Khang khyrdep ka Russia ia ka ophis kam bar ri ka Germany ha St Petersburg halor ka jingkyन्नoh thombor drone



Ka ophis kam bar ri ka Germany ha Russia kaba la shah khang khyrdep.

Moscow, Nailur :Ka Russia ha ka sngi Nyngkong ba la lah ka la hukum ban khang noh ia ka ophis kam bar ri ka Germany ha Saint Petersburg, ha kaba ka la ai por haduh ka 18 tarik Nailur ia ki nongmihkhmat ba kin mih noh na katei ka ri bad dawa ia ki nongtrei jong ka Goethe Institute ka Germany kaba ka la khang ha ka taiew ba la dep

ba kin mih noh ha kaba kut jong ka taiew.

Ka jingiadei hapteng ka Moscow bad ka Berlin kaba la don lypa hapteng ka jingthut naduh ka jinghiar thma jong ka Russia hapoh Ukraine ka la nang jur shuh shuh ha ka taiew ba la dep, ha kaba ka Germany ka la kynnoh ba ka Russia ka la pynlong ia ka jingthombor da

ki drone pyrshah ia ka kad liengsuiñ Leipzig.

Ka Germany ha ka taiew ba la dep ka la khang ia ka jaka treikam jong ka Russia ha Bonn bad ia ka cultural centre jong ka Moscow ha Berlin.

Ka tnad kam bar ri ka Russia ka la ong ha ka jingpynbna ba kan weng noh ia ka jingmynjur jong ka halor ka jingtreikam jong ka

Consulate General jong ka Federal Republic of Germany ha Saint Petersburg.

Ka la ong ba ka tnad treikam jong ka, ka dei ban sangeh noh ia ki kam ki jam jong ka hadien jong ka 18 tarik u Nailur 2026, bad baroh ki nongtrei jong ka ki dei ban mih noh na Russia shwa ne hadien katei ka tarik.

Ka Germany ka dei kawei na ki paralok ba kongsan jong ka Ukraine bad ki ri Europe ki la sngewkhia halor kaei kaba ki ong ba ka dei ka jinghiar thma ba napoh ha ka khyndew ka shyiap ka jong ki.

Ka EU ka la ong ba ka jingjia kam thombor ha ka kad liengsuiñ jong ka Leipzig ka don ia baroh ki dak jong ki kam pyntriem lehnoh ba la kyrshan da ka sorkar, ki jingkyन्नoh ia kaba la kyntait da ka Russia.

Ha ka kut taiew ba la dep u myntri kam bar ri ka Russia, u Sergei Lavrov, ula kynnoh ia ka Berlin ba ka kwah biang ia ka thma.

İap 5, jah rngai palat 80 ngut na ka jingkem ding ka lieng hajan ka jaka jngohkai ha Philippines



Ka lieng kaba la kem ding ha ki bynta rud duriaw ka Philippines.

Manila, Nailur :Kumba 5 ngut ki brieve ki la iap bad 87 ngut ki dang jah rngai hadien ka jingpluh ding hapoh ka kawei ka jhad hajan ka jaka jngohkai pyrthei ha ka jylla Palawan ha Philippines, ong

ki shipai rud shipai rud duriaw hynne ka sngi Palei.

Ka jingkem ding ha ka lieng M/V June Aster ka la jia ha ka janmiet jong ka sngi Balang ba la lah kumba 2.2 kilomitar narud duriaw, ong ki

bor pahara rud duriaw bad bynrap ba la pynkynriah ia ki san ngut ki brieve kiba la khlad sha rud duriaw.

Ka video ba la sam da ki bor pahara rud duriaw ha ka Facebook ka pyni ba ka lieng

Hap ka helicopter kaba kit ia 5 ngut, kynthup ki nongtrei ka koit ka khiah ha Malaysia, ym pat lah ban tip ia kiba iap

Kuala Lumpur, Nailur :Kawei ka liengsuin helicopter kaba kit ia san ngut ki brieve kynthup ia ki dkhot ka tnad ka koit ka khiah ka la hap ha ka sngi ba Ar ba la lah hajan ka kad liengsuin ha la dewlynnong Borneo, ong ki

bor sorkar.

Ki heh sorkar kim pat lah ban pynthikna ha kaba iadei bad ka jingdon jong kiba iap na katei ka jinghap liengsuin ha ka jylla Sarawak. U Myntri ka Tnat ka koit ka khiah, u Malaysia, u Dzulkefly

Ahmad, ha u kyrwoh u la ong ba ki jingtip ba nyngkong ki pyni ba uwei u pilot bad saw ngut ki nongtrei jong ka tnad ki don ha ka liengsuin, napdeng jong ki uwei u ophisar ka koit ka khiah, u nongiarap koit ka khiah, bad

arngut ki nos.

Kane ka liengsuin ka dei kaba ju pynndonkam ha kaba iadei bad ki lad aijingsumar, kata ha kaba iadei bad ka jingtreikam ba kyrkieh sha ki jaka sumar ha ki thain nongkyndongneki jaka bajngai.

Kyntait u Trump ia ka jingkyrpad u Syiem ka Saudi ban hiar thma ia ki lehnoh Houthi ka Yemen :Ong ka kaiphod

Washington, Nailur :U Syiem Saudi u Mohammed bin Salman ha ka sngi Palei ba la lah ula phone haduh arsien ia u President Donald Trump ka United States ha kaba ula kyntu ia u ba un sdang ban ther tyngeh pyrshah ia ki lehnoh Houthi ka Yemen, ong ka lad pathai khubor da kaba kdew ia arngut ki heh jong ka US.

U Trump ula kyntait ia katei ka jingkyrpad, bad ki heh ka US ki la ong ba ka sorkar kam don jingthmu ban shim ia ka sienjam lyngba ki bor shipai pyrshah ia ki Houthi ha kum kane ka por, ong ka khubor.

Ka lad pathai khubor kam shym la lah ban pynshisha mardor ia katei ka khubor, bad na ka liang ka White House bad ka embassy jong ka Saudi ha Washington ruh kim shym la jubab mardor ia ki jingkyrpad ban ai jingmut ha kaba iadei bad kane.

Katkum ka jingong jong ka lad pathai khubor, ka US ka la nangkham sngewkhia halor ka jingiakyndad kaba la nanghur ha Yemen bad ka dang pynkhlañ ia ka jingkyrshan ia ka Saudi Arabia katba ka dang wad ban kiar na ka jingiaddon bynta kaba beit beit da ki bor shipai.

U Admiral Brad Cooper, uba dei u nongialam jong ka US Central Command, ula leit sha Saudi Arabia ha ka sngi Palei ba la lah na ka bynta ban iakren na ka bynta ka jingiatreilang



U President Donald Trump bad u Syiem ka Saudi Arabia.

kaba kyrkieh, ong ka khubor.

Ki heh shipai bad heh sorkar ka US ki la iathuh ruh ha ki paralok jong ki ha Saudi ha kine ki taiew ba la dep ba ka jingbthah jong u Trump ka long ban pynleit jingmut ia ki shipai jong ka America sha Iran bad ban iada ia ka lynti khap duriaw Hormuz, katba ki dang kiar na kaba plie ia kawei pat ka jingiakyndad lyngba ki shipai, bynrap ka lad pathai khubor.

Ka lad pathai khubor ka la iathuh kham hashwa ha u bnai Naitung ba la dep ba ka Saudi Arabia ka dang wad ban tei ia ka kynhun synrop jong ka pyrthei na ka bynta ban iada ia ki jah kit mar ha duriaw Red Sea na ki jingshah thombor ha ki Houthi hadien

ba ka jingiakyndad ha ki bynta jong ka Yemen ka dang iai bteng ban nangjur.

Ka jingkiev jong ka jingiakyndad ka la sdang naduh ba sdang jong u bnai Naitung ba la dep hadei ba ka Houthi kala ong ba ki shipai jong ka ki la iakhun pyrshah ia ki liengsuiñ thma jong ka Saudi kiba pyrshang ban khanglad ia ka liengsuiñ paidbah jong ka Iran ban hiar ha ka kad liengsuiñ Sanaa International. U Das, uba don byntamynshwa bad ka ISKCON, u la shah pynngat ha ki 6 tylli ki mukotduma bad u la shah jamin ha ka High Court ha ki saw tylli ki mukotduma haduh mynta. Hynrei u dang bteng ban shah set phatok watla hadien ba u la ioh jamin ha ki

ar tylli ki mukotduma, ha kaba ia ka jingpyllait jong u la khanglad da ki ar tylli kiwei pat ki mukotduma, ong ki lad pathai khubor jong ka thain.

Hynrei un ym ioh lait kloimamar kiwei pat ki mukotduma pyrshah ia u. Ka jamin jong u ha ka mukotduma pynkhihwin ka dang sahteng, katba ka jingbishar ha ka mukotduma pyniap brieve ka dang iaid ha Chattogram Speedy Trial Tribunal.

Kane ka mukotduma pyniap brieve ka dei halor ka jingjia ha kaba uwei u muktiar jong ka sorkar, u Saiful Islam Alif, ula shah dung iap ha ka nongbah jong ka kad lieng ha ka thain shathie ka Chattogram ha ki nongiakhih pyrshah halor ka jingshah kem jong u Das.

Khang khyrdep ka Myanmar ia ka kad liengsuiñ ba kongsan hadien ka jingthombor ki lehnoh da ki drone

Myanmar, Nailur :İa ka kad liengsuiñ kaba ar ka jingbun brieve ha Myanmar la hap ban khang na ka bynta ar sngi ha ka sngi Thohdieng, ong ki tyllong khubor pahara lyngba ka lad pathai khubor hadien ba ka sorkar ba la kyrshan da ki shipai ka la kynnoh ba ki lehnoh kiba kyrshan ia ka synshar paidbah ki la pynlong ka jingthombor da ki drone.

Ka kad liengsuiñ Mandalay kaba don hapteng ka Myanmar ka dei ka jaka ba kongsan na ka bynta ka leit ka wan hapteng ki ri ka pyrthei bad hapoh ka ri, hynrei ki kynhun maham jong ki riew paidbah ki la ithuh ruh ia ka kum ka lynti iaid na ka bynta ki liengsuiñ.

Ki la ong haduh hynriew tylli ki jingthombor lyngba ki drone kheinduh ka ha ka janmiet jong ka sngi Palei ba la lah, ong ka sorkar ba la kyrshan da ki shipai ha u kyrwoh, ha kaba la kam ba kam shym la don kano kano



Ka kad liengsuiñ ha Myanmar kaba la hap ban khang khyrdep.

ka jingmysaw hynrei ka la pynthut ia ka por leit por wan jong ki liengsuin

“Kane ka kam thombor ka la jia katto katne ka jingngai na ka jingtei jong ka kad liengsuiñ, hynrei ia ka kad liengsuiñ la khang kum ka lad jinggiada,” ong ka tyllong khubor.

Uwei pat u ophisar ka tnad pahara uba trei ha kawei pat ka

kad liengsuiñ ka Myanmar u bym kwah pynpaw kyrteng u la pynthikna halor ka jing khang shipor ia ka Mandalay namar ka jingmarakot haduh ka sngi U Blei ka ban wan.

Ki shipai jong ka Myanmar ki la iakhun ia ka thma pohiing hadien ka jingkurup ia ka bor synshar ha u snem 2021, kaba la pynkut noh ia ka jingpyrshang kaba la neh

jan shiphew snem ia ka synshar paidbah bad pynkhyllen noh ia ka sorkar jong ka Aung San Suu Kyi.

Hadien san snem jong ka jingialeh mynta ki shipai ki la pynjur ia ki kam thombor pyrshah ia ki kynhun lehnoh kiba kyrshan ia ka synshar paidbah bad kiba bun ki kynhun lehnoh jong ki jaidbynrrew rit paid.

Shah kem u nong Britain 58 snem ba bynthiew ia ka lama ka Turkey hadien ka jingiajia hapoh ka hotel

Turkey, Nailur :Ki pulit ka Turkey ki la kem noh ia uwei u nongwan jngohkai pyrthei na Britain hajan ka jaka jngohkai ha ka thaiñ shathie ka Antalya halor ka jingshah kynnoh donkti ha kaba byntheiw ia ka lama jong ka Turkey, ong ki lad pathai khubor ha ka sngi Balang ba la lah.

Une u nongwan jngohkai pyrthei 58 snem rta u la poi sha ka jingiania bad ki nongtrei ha kawei ka hotel hadien ba la kynnoh ba u la phai bad bynthiew ia ka lama kaba kaba don marjan, ong ki lad pathai khubor khlem da

iathuh bniah mynno kane ka jingjia ka la jia.

Katei ka jingjia ka la jia ha Alanya, kaba jngai kumba 130 kilomitar shaphang mihngi ka Antalya.

Ki nongtrei ki la ujur ia utei u brieve sha ki pulit kiba la kem ia u bad rah ia u sha ka iingbishar ha kaba la kem noh ia u halor ka jingkyन्नoh pynjah burom ia ka shap jong ka ri Turkey.

Halor kane ka jingjia kam pat shym la don kano kano ka jingkyन्नoh na ka liang ka ophis kam bar ri ka Britain ha Turkey.

Na ka liang ki bor sorkar ka



U nong Britain uba la shah kem ha Turkey.



RYNJAH INSTITUTE OF INFORMATION TECHNOLOGY (RIIT)

ADMISSION OPEN

FOR THE FOLLOWING COURSES

1 DCA Diploma in Computer Application	DURATION 6 MONTHS FEE ₹800 FOR 6 MONTHS
2 PGDCA Post Graduate Diploma in Computer Application	DURATION 1 YEAR FEE ₹1200 FOR 1 YEAR
3 AI Artificial Intelligence	DURATION 3 MONTHS FEE ₹5000 FOR 3 MONTHS

WE PROVIDE

- Placement Assistance
- You can also apply for Scholarship
- You can also apply online at riitnec.com

For further information please contact
Romya Building Don Bosco Square
Laitumkhrah

9362552010